

中國佛寺志叢刊

趙樣初



清·釋元奇編撰

江心志

廣陵書社

江心志

江心志，十卷首末各一卷，清释元奇编撰，康熙四十六年（1707）刻本。

江心寺在今浙江温州江心屿，江心屿在温州市北永嘉江中。屿上原有两峰对峙，中贯川流，宋时，由僧清了以土填塞中川，联两山为一体。今屿上有江心寺、文天祥祠、东西双塔等古迹。江心寺初建于唐咸通年间，原为东塔普寂院西塔净信院，南宋建炎四年（1130）改为龙翔、兴庆，绍兴年间由蜀僧清了住持龙翔遂合二院为一刹。元明年间几毁几建，现存建筑主要是明正统万历年间重建的。

《江心志》在元奇之前，曾有明释宏斌作《江心志》，陈陞辑《江心志》六卷，明王光蕴作《江心志》六卷，此三志今均已佚。元奇之后又有陈舜咨作《孤屿志》。

元奇作《江心志》共分十二卷，主要是据旧志重编，分纪迹一卷，敕书一卷，艺文八卷，世系、杂纪二卷，大部分是艺文，详于纪僧事。志前有序二篇，另有图六幅。

序

予嘗讀謝康樂咏江中孤嶼
至亂流趨正絕孤嶼媚中川
心竊慕之顧蠟屐尚未及也
迨歲丁亥奉

命校士東甌公餘偕永邑楊令
君放棹中流爲孤嶼之遊列
坐兩峰間樓閣崢嶸金碧璀璨
水雲環遶樹木交映遠迓
子晉之臺近接容成之洞驪

珠出海炯爍千尋蜃氣凌空
變幻萬狀至其屹立萬頃烟
波中吞吐雲霞呼吸潮汐四
壁空浮一塵不染更是海上
蓬萊方將與十洲三島相爲

鼎峙令人嘆觀止矣徘徊移
晷寺僧月川禪師煮茗相獻
因言此地夙稱東南第一登
眺棲息代有高賢卽思陵駐
蹕後往來尤多名流向有謠

志緣滄桑幾更無復有存邇
來徧集所遺且於近世諸名
公遊覽佳什蒐羅補續爰成
十有二卷付之剞劂工已竣
矣願乞片言以弁其首予思

震旦山川閎奇博大不可縷
指若東甌自洞天福地外所
爲孤嶼者亦非易遘顧可令
其不彰乎矧圖經具列俾探
奇攬勝輩不俟駭鸞駕鶴而

可挾爲臥遊之具也耶至月
川禪師不惜己費爲孤嶼謀
不朽其功匪小子雖不及如
謝公之高吟絕唱而憑眺之
下又烏可無一辭以贊其成

也哉是爲序


嘗

康熙歲次丁亥孟夏望日

賜進士出身提督浙江學院

詹事府右春坊右諭德兼翰

林院修撰彭始搏題於甌署
之西堂



重修江心志序

從來名山勝境表表宇宙者以地傳
尤必有所以傳是地者而地斯益傳
蓋地標勝於一方而不能及乎千百
里之遙故必資高人達士卽境會心

發爲文章曲繪其幽奇怪異然後覽
者觸目流連得以臥遊而不倦所云
筆有化工山川亦藉靈流美人間也
所慮金石遺文傳諸久遠無有纂而
修之勢必與荒烟蔓草同其淪沒故

古今之著作非具有慧心者不能述
而志非具有遠識者不能述而傳如
吾甌孤嶼居鹿城之北大江之中雙
塔擎天孤峰鎮地而宮闕樓臺與忠
賢俎豆並列遷客騷人歷多憑弔真